

Na osnovu Pravilnika o stručnom ispitu za turističke vodiče („Službene novine Federacije BiH“, broj 46/20), Federalna ministrica okoliša i turizma, raspisuje

**JAVNI POZIV
ZA PRIJAVU KANDIDATA ZA POLAGANJE
STRUČNOG ISPITA ZA TURISTIČKE VODIČE ZA 2025. GODINU**

Federalno ministarstvo okoliša i turizma organizirat će polaganje stručnog ispita za turističke vodiče u 2025. godini za područje Federacije Bosne i Hercegovine.

Uz **obrazac prijave** za polaganje stručnog ispita za turističkog vodiča, koji se može preuzeti na web stranici Federalnog ministarstva okoliša i turizma, www.fmoit.gov.ba kandidat je dužan priložiti:

1. **dokaz da je uplaćen iznos naknade troškova ispita,**
2. **izvod iz matične knjige rođenih,**
3. **dokaz da ima najmanje srednju stručnu spremu,**
4. **potvrdu obrazovne ustanove o aktivnom znanju jednog svjetskog jezika,**
5. **izjavu (obrazac sa web stranice).**

U postupku provođenja stručnog ispita za turističkog vodiča kao dokaz po tačkom 4. potvrda obrazovne institucije o aktivnom znanju jednog svjetskog jezika, mogu se koristiti sljedeći dokazi:

- uvjerenje/certifikat ili potvrda o znanju stranog jezika, izdato od škole ili druge institucije koja se bavi edukacijom stranih jezika, na teritoriji Bosne i Hercegovine ili izvan nje,
- uvjerenje fakulteta o provjeri znanja stranog jezika, položenom ispitu stranog jezika tokom školovanja, kao i druga isprava fakulteta (ovjerena kopija upisnice - indexa), koja potvrđuje znanje stranog jezika, odnosno položene ispite stranih jezika,
- diploma ili druga isprava koja potvrđuje stečeno zvanje ili zanimanje koje je neposredno vezano za znanje stranog jezika (npr. profesor stranog jezika, prevoditelj, i sl.),
- diploma završenog fakulteta ili stečenog naučnog zvanja u Bosni i Hercegovini ili u inozemstvu na osnovi koje se nedvosmisleno može utvrditi da je isto školovanje u cjelini ili u pretežnom dijelu završeno na stranom jeziku.

Obrazac prijave i svi dokumenti koji se prilažu uz obrazac prijave kao dokaz o ispunjavanju uslova iz Javnog poziva trebaju biti originali ili kopije ovjerene od strane nadležnog organa, ne starije od 6 (šest) mjeseci. Svi dokumenti trebaju biti dostavljeni na jednom od službenih jezika koji se koriste u Bosni i Hercegovini.

Prijavu sa kompletnom dokumentacijom dostaviti putem pošte na adresu:
Federalno ministarstvo okoliša i turizma
Hamdije Čemerlića br. 2
Sarajevo

s naznakom „**Prijava za polaganje stručnog ispita za turističkog vodiča**“.

Prijave za stručni ispit na osnovu Javnog poziva se primaju zaključno sa danom 21.11.2025. godine, a termin ispita je dana 03.12.2025. godine u 16 sati, u prostorijama Ministarstva.

Sva neophodna obavještenja bit će objavljena na web stranici Ministarstva, **www.fmoit.gov.ba**.

Kandidati će po prijavi za stručni ispit preuzeti link za Priručnik za polaganje stručnog ispita za turističke vodiče - **opći dio** koji se nalazi na stranici Ministarstva **www.fmoit.gov.ba**.

Za **posebni dio ispita**, priručnik se dobiva od kantona za kojeg se kandidat prijavio (resorna ministarstva svakog kantona za oblast turizma).

Naknada troškova stručnog ispita obuhvata opći i posebni dio ispita za jedan kanton **250,00 KM**.

Za svaki prijavljeni posebni dio stručnog ispita (odnosno kanton) dodatna uplata je u iznosu od 100,00 KM.

Način uplate dat je u Instrukciji koja je sastavni dio ovog poziva.

Dodatne informacije u vezi prijave za polaganje ispita mogu se dobiti u Federalnom ministarstvu okoliša i turizma na kontakt telefone: 033/726-727 i 033/726-728.

Javni poziv će se objaviti na web stranici Federalnog ministarstva okoliša i turizma.

Broj: 06/1-18-1-198/25-III

Dana: 27.10.2025. godine



MINISTRICA

dr. sc. Nasiha Pozder